

# KUIN anjur dialog perbankan dan kewangan Islam di Malaysia

**ALOR SETAR** - Kolej Universiti Insaniah (KUIN) akan menganjurkan Dialog Dimensi Masa hadapan Perbankan dan Kewangan Islam di Malaysia pada 18 dan 19 Oktober ini bagi membincangkan amalan perbankan Islam di negara ini.

Rektor KUIN, Datuk Mohd. Yusof Kasim berkata, dialog tersebut akan menyentuh mengenai inisiatif perbankan dan kewangan Islam di negara ini sejak 30 tahun lalu dalam membantu ekonomi negara.

Selain itu, katanya, ia akan membincangkan isu-isu berkaitan perbankan Islam termasuk mengenai keuntungan dan caj yang dikenakan sama ada ia mengikut keperluan syariah.

“Kita juga akan membincangkan persediaan institusi pengajian tinggi untuk memenuhi permintaan global terhadap sektor yang akan mewujudkan kira-kira 60,000 peluang pekerjaan dalam tempoh tiga tahun akan datang ini,” katanya pada satu sidang akhbar di sini semalam.

Dialog yang menampilkan tokoh-tokoh perbankan dan kewangan Islam itu akan diadakan di Hotel dan Pusat Konvensyen TH, Kepala Batas, dekat sini dan dijangka disertai kira-kira 100 peserta tempatan dan luar negara.

“Penganjuran dialog ini bertujuan menambah baik sistem perbankan Islam untuk masa akan datang,” katanya. - Bernama



**DIALOG** perbankan dan kewangan Islam anjuran KUIN bertujuan menambah baik sistem perbankan Islam negara untuk masa akan datang. - Gambar hiasan